



Synfocity = 888

mail us at : mzsynfo@gmail.com; mizoramsynod@gmail.com - Phone - 2314648

May 11, 2023

☐ **Synod Pastoral Committee an ðu**

May 10, 2023 (Nilaini) khan Mizoram Presbyterian Kohhran hnuaia Pastoral rawngbawlna lam ngaihtuatu, Synod Pastoral Committee chu J.M. Lloyd Hall, Synod Office-ah an ðu.

Meeting hi Rev. Dr. C. Chawngmingliana, Synod Moderator-in a kaihruai a, Upa B. Lalhmunliana, Synod Secretary-in report a pe a ni. Report-ah hian, Champhai Bethel bialtu Rev. F. Lalrinawma a thih tak avanga December, 2023 thlenga Champhai Bethel Bial enkawl tura Rev. Rualthankhuma ruat a nih thu te, Masihi Sangati (Kawl) Pastor, Rev. Lalsawichhunga a thih tak avanga Kawl Pastor thar atan Rev. Dr. Vanlalhnema ruat a nih thu te, OM ruahman anga Pastor 80 leh Pro. Pastor 28 lai an awmna thar tura dah ngheh an nih thu te, Barak Area-a Cachar Kahrawt Kohhran tih ðin chu Kahrawt Kohhran tih leh Cachar Kahrawt Bial tih ðin pawh Kahrawt Pastor Bial tia thlak a nih thu te chu a langsar zual a ni.

Tun ðum Pastoral Committee-ah Pastor zirna sang zawk zir dil lehte chungchang te leh thil pawimawh dangte an ngaihtuah a ni.

☐ **Social Front Committee Vawi 196-na an ðu**

May 11, 2023 khan J.M. Lloyd Hall, Synod Office-ah Synod Social Front Committee vawi 196-na an ðu khawm a. He meeting hi Rev. Dr. C. Chawngmingliana, Moderator-in a kaihruai a, Rev. V.L. Luaia Hranleh, Executive Secretary-in report a pe a ni. Report-ah hian hma lak dan chi hrang hrang tar lan a ni a. Workshop leh Consultation hrang hrang - Mission Foundation Movement buatsaih Maintenance and Welfare of Parents and Senior Citizens Workshop-ah te, UNAIDS buatsaih Consultation with Faith Based Leaders to discuss HIV AIDS Response in Mizoram-ah te, Mizoram University buatsaih Round Table Discussion on Water Security in Mizoram-ah te Synod Social Front aiawh intirh a ni a. Political Education beihpui thlak hna chu beih chhoh ðan a ni a, bial 20 chuangah campaign hi neih tawh a ni. Central YMA-in Central Anti-Drugs Squad an dinah Counsellor pek a ni bawk.

Meeting-ah hian Champhaia Synod Rescue Home Managing Committee Chairman ruat chungchang te, Corruption do leh a kaihhnawih chungchanga hmalak dan tur te, Land Reforms leh Land Ceiling chungchanga hma lak dan tur te, Mizo mipa thi rate sang mek a ziaawm theih nana hma lak chungchang te, India Act East Policy zirchianna leh rawtna bawhzui dan tur chungchang te, Pian pun chungchang bawhzui dan tur te an ngaihtuah a ni.

☐ **Synod Mission Board**

♦ **Kumin 2023 April thlenga Mission Field hrang hranga member thar neih dan hetiang hi a ni:**

S.No	Field	Total	S.No	Field	Total
1.	Arunachal & Assam Mission (East)	19		Total	
2.	Arunachal & Assam Mission (North)	22	10.	Karbi Anglong	48
3.	Arunachal & Assam Mission (West)	49	11.	Kolkata	354
4.	Assam	24	12.	Lucknow	23
5.	Barak Area	48	13.	Nepal	58
6.	Delhi	84	14.	Odisha	29
7.	Home Mission North	15	15.	Patna	75
8.	Home Mission South	22	16.	Siliguri	40
9.	Jharkhand	221	17.	Tripura	342
			18.	Masihi Sangati	1988

♦ **Jharkhand Mission Field Belh khawm 3461**

May 1, 2023 (Thawhðanni) khan member thar pakhat a awm belh a, ni 2, 2023 (Thawhlehi) khan member thar pali an awm belh a, May 7, 2023 (Pathianni) khan Roman Catholic Kohhran aþangin mi pathum kan Kohhranah an rawn inpe bawk.

◆ **Karbi Anglong Mission Field**

May 3, 2023 (Nilaini) khan member thar pali an awm belh.

◆ **Assam Mission Field**

May 5, 2023 (Zirtawpni) khan member thar pakhat a awm belh.

◆ **Odisha Mission Field**

May 7, 2023 (Pathianni) khan member thar pahnih an awm belh.

◆ **Tripura Mission Field**

May 7, 2023 (Pathianni) khan member thar 15 an awm belh.

◆ **Arunachal & Assam Mission Field (North)**

May 7, 2023 (Pathianni) khan member thar pahnih an awm belh.

◆ **Mumbai Station**

May 7, 2023 (Pathianni) khan member thar pahnih an awm belh.

◆ **Arunachal & Assam Mission Field (West)**

May 7, 2023 (Pathianni) khan member thar pathum an awm belh.

◆ **Delhi Mission Field**

May 7, 2023 (Pathianni) khan member thar paruk an awm belh.

◆ **Missionary Retreat**

May 18-21, 2023 chhung hian Chaltlang Kohhranah Synod Mission Board buatsaihin Central Region Missionary Retreat vawi 4-na neih a ni dawn a. Thupui 'Krista hmangaihna chuan min tir lui a ni' tih chu Retreat Speaker, Rev. Dr. K. Lallawmzuala, Executive Secretary-in a sawi ang. May 18 (Ningani) zan aṅangin Vantlang Pathian Biak Inkhawm neih ṅan a ni ang a, a duh apiang tan Vantlang Pathian Inkhawm hi chhim theih a ni dawn a ni.

□ **Coffee sawngbawlina khawl thar Synod Hospital-ah hlan a ni**

Land Resources, Soil & Water Conservation changtu Minister, Pu R. Lalzirliana leh Department hotute hmalaknain Synod Hospital ram chhunga Coffee rah sawngbawlina tur khawl pahnih - Coffee Pulper (a pil khehna) ₹ 69,804/- man leh Coffee Grinder (a her dipna) khawl ₹ 30,662/- man (a vaiin ₹ 1,00,466/-) chu Synod Hospital hlan a ni a. May 9, 2023 (Thawhlehi) chawhnu dar 2 khan Synod Hospital Committee Room-ah Minister Pu R. Lalzirlinan a hlan a, khawl hi Rev. Dr. C. Chawngghmingliana, Synod Moderator-in a dawng a ni. Minister hi LRS & WC Department hotuten an ṅawiawm a ni.

□ **Zirlai Viltu**

May 9, 2023 (Thawhlehi) khan Zirlai Viltu Committee chuan Synod Conference Centre-ah Awareness Seminar an buatsaih a. Hetah hian Pawl 12 result nghak lai mi 26 an tel a. Resource person pahnih, Pu C. Lalsawta, IAS (Rtd) leh Pu Benjamina, IDAS (Rtd) ten Central Service leh All India Service-a luh tumte tana thil ṅul chi hrang hrang an sawi a ni.

Zirlai Viltu Committee hi Synod-in Central leh All India Service-a Mizo tam zawk kan luh theihna tura hma latu atana a din a ni a. Kawng hrang hrangin hma an la a, an hmalakna langsar tak chu Synod Resource Centre hi a ni. Synod Resource Centre-ah hian Central/All India Service inbuatsaihna atana lehkhabu ṅha leh ṅangkai eng emaw zat dah a ni a, member-te tana hman ṅangkai theih a ni.

□ **Synod Hospital tan Thisen pek a ni**

May 10, 2023 (Nilaini) khan Synod Lay Workers Fellowship kum 50-na denchhenin Lay Worker-ten Synod Higher Secondary School-ah Synod Hospital tan thisen an pe a. Thisen petute hi Synod Higher Secondary School-a thawktute, Synod Multipurpose training Centre-a thawktute leh Mizoram Christian College-a thawktute leh zirlaite an ni a. Synod Higher and Secondary School aṅang hian mi 55-in thisen an pe thei a, SMTCC leh MCC lam aṅangin mi 15-in an pe bawk a, an vaiin mi 70-in thisen an pe a ni.

May 17 leh 24-ah pawh hian Synod hnuaiia department danga Lay Worker-ten an kum 50-na denchhen hian Synod Hospital tan thisen hi an la pe zel dawn a. May 17-ah hian P.C. Girls' School-ah Synod Office-a thawktute, PRESCOM-a thawktute, Sikulpuia thawktute leh P.C.Girls-a thawktuten an pe ang a, May 24-ah hian Synod Hospital-ah Hmangaihna Ina thawktute, ATC-a thawktute, Recue Home-a thawktute, Masihi Sangati Kendra-a thawktute leh Synod Hospitala thawktuten an pe ve leh thung ang.

- ❑ **Pathian Biak Inkhawm chungchang Consultation**
 May 13, 2023 (Inrinni) hian nilengin Upper Republic Kohhran Biak Inah Synod Worship Department chuan Pathian Biak Inkhawm Consultation a buatsaih dawn a. Rev. Rosiamliana Tochwawng paper buatsaih zir ho a ni ang.
- ❑ **Presbyterian English School (PES)**
 Kum 2023-2024 chhunga Presbyterian English School (PES) dinhmun tlangpui chu hetiang hi a ni.
 School zawng zawng - 160
 Zirlai zat - 33,894
 Thawktu zat - 1,989
- ❑ **Trust**
 May 9, 2023 (Thawhlejni) khan Tuipuibari-ah Pastor Quarters sak tur enpuiin Pu Lalramenga Royte, J.E. a kal.
- ❑ **Kohhran Hmeichhia**

 - ◆ May 9, 2023 (Thawhlejni) khan Lungdai Bialah Leadership Training neihpuiin Pi Zothansiami, Treasurer leh Pi K. Rinthianghlimi, Committee member te an kal.
 - ◆ May 10, 2023 (Nilaini) khan Champhai Zotlang Kohhran Centenary hmanpuiin Pi Zothanpari, Chairman leh Committee Member-te Pi H. Lalhlunpuii leh Pi Laltlanthangi te an kal.
 - ◆ May 11, 2023 (Ningani) hian Hlimen Bialah Leadership Training neihpuiin Pi H. Lalfakmawii, General Secretary leh Pi Lalengzami, Committee Member te an kal.
 - ◆ May 13-14, 2023 hian Leadership Training leh Kristian Chhungkaw Campaign nei turin hetiang hian an chhuak ang:
 - East Lungdar Bial - Pi Lalmuanzuali, Asst. Secretary
 Pi Saiṭhuamluaii, Committee Member
 Pi Lalthawmmawii, Committee Member
 - Lunglei Chanmari Bial - Pi Sailuti, Ex-Chairman
 Pi Zohmingliani, Committee Member
 Pi V. Siamhnuni, Committee Member
- ❑ **SL&PB**
 May 11, 2023 (Ningani) hian Ngopa Bialah Literature Campaign neiin Rev. Lalbiaknia, Editor; Pu Zohmangaiha, Asst. Editor; Pu Lalremmawia, Business Manager leh Pu Vanlalruata, OA te an kal.
- ❑ **Finance**
 May 12, 2023 (Zirtawpni) hian North Vanlaiphai Bialah Accounts Training neihpui turin Pu Zaihmingthanga Fanai, Accountant a kal ang.
- ❑ **MSSU**
 May 13, 2023 (Inrinni) hian Sunday School zirtirtu training neihpui turin Trainer-te hetiang hian an chhuak ang:

 - Centenary Kohhran - Upa Lalthanchhunga, Trainer
 Upa Zohmangaiha, Trainer
 Upa H. Lalbuatsaiha, Trainer
 - Aizawl Kohhranah - Upa K. Vanlalnghaka, Trainer
 Upa S. Kapzathanga, Trainer
 Upa B. Hmingthanruala, Trainer
 - Lily Veng Kohhran - Upa C. Lalbiaksanga, Trainer
 Upa Lalsiammawia Pachuau, Trainer
 Upa T. Lalbiakdika, Trainer
- ❑ **Prison Ministry**
 May 13-14, 2023 hian Champhai District Jail tlawh leh Prison Ministry Awareness Campaign nei turin Rev. Lalhmuchhuaka, Director; Pu Lalrempuia, Speaker, Saltang chhuahtu Team leh Tv. David Lalnunsanga Colney, Counsellor te an kal ang.

□ **Social Front**

May 13 leh 14, 2023 hian Bial hrang hrangah Political Education Campaign neiin Campaigner-te hetiang hian an chhuak;

- | | | |
|--|---|--|
| 1. Sangau Bial, Siaha Bial, Tipa Bial | - | Upa D.P. Biakkhuma
Rev. Lalrinthara
Upa Dr. K.C. Vanlalnghaka
Rev. Dr. H. Lalnunmawia |
| 2. Phuldungsei Bial, Lallen Bial, Pukzing Bial | - | Upa F. Lalsangliana
Upa Dr. Vanlalzara
Rev. Dr. R. Vanlaltluanga |
| 3. Marpara North Bial | - | Upa Dr. C. Zarzoliana |
| 4. Hnahlan Bial, Champhai Kanan Bial, Tualcheng Bial | - | Upa Dr. Lalrintluanga
Upa Dr. B. Lalrinsanga
Rev. Vanlalrova Khiangte
Rev. H. Lalrinmawia |
| 5. Serchhip Bial, New Serchhip Bial, Serchhip Vengchung Bial | - | Rev. Dr. Lawmsanga
Rev. Dr. Lalawmpuia Hauhnar
Upa Dr. Lalrochhuanga
Upa Zohmangaiha. |
| 6. Hmunṭha Bial | - | Upa K. Roseia
Dr. Lalnunthara |

□ **Synod Relief Fund**

Tun hnaia harsatna hrang hrang tawkte hnenah Synod Relief Fund aṭangin hetiang hian chhawmdawlina pek a ni.

S.No	Khua	Pek chhan	Chhungkaw zat	Pek zat
1.	Khawzawl Vengthar North	Damlo	2	₹ 20,000/-
2.	Hualngohmun	Damlo	1	₹ 10,000/-
3.	West Serzawl	Damlo	1	₹ 10,000/-
4.	Tumpanglui	Damlo	1	₹ 10,000/-
5.	Damparengpui Hmar veng	Damlo	1	₹ 10,000/-
6.	Chhingchhip Venghlun	Damlo	1	₹ 10,000/-
7.	Khawlailung Bunghmun	Huan kang	1	₹ 10,000/-
Belh khawm				₹ 80,000/-

April 2023 chhung khan harsatna hrang hrang tawkte hnenah Synod Relief Fund aṭangin ṭanpuina ₹ 29,12,000/- pek a ni.

□ **FM Zoawi - Aizawl & Lunglei : Hruaina Eng Radio Programme**

May 12, 2023 (Zirtawpni) @ 7:30 p.m. :

Fakhla Huang : Christina

Thusawi : Rev. F. Lalrinnunga - Pathian chawimawina dawng tlak mite

□ **Susamachar Prasaran Programme :**

May 14, 2023 (Pathianni) 5:30 pm. :

Group/Choir/Solo : Lunglei Area Masihi Sangati - Yisu lio tera nam, **Group/Choir/Solo :** Kawngkharmawii - Yeshu Paya Re, **Sermon :** Rev. Jimmy Malsawmdawngliana, **Group/Choir/Solo :** Himali Kohhran Zaipawl - Isu Mash tere Jeisa Koi Nahi, **Group/Choir/Solo :** R. Jydiel - Mene Tujhko

□ **Hruaina Eng TV Programme**

11.5.2023 (Ningani) 8:30 pm : Zir bingna - Kohhran Chanchin (Hun laihawl)

12.5.2023 (Zirtawpni) 5:00 pm : Kristian Naupang Pual

13.5.2023 (Inrinni) 5:30 pm : Puitling Sunday School Zirlai

8:30 pm : Rimawi huang

14.5.2023 (Pathianni) 8:00 am : Weekly Round Up

5:30 pm : Su Samachar

15.5.2023 (Thawḥṭanni) 8:30 pm : Hruaina Eng Luang Chhuak

16.5.2023 (Thawhleḥni) 8:30 pm : Nilai Zan thupui zir ho - Sunday School Committee

- ☐ **Moderator leh Executive Secretary-te Programme:**
Rev. Dr. C. Chawngmingliana : Moderator
 May 13&14, 2023 Champhai - Rescue Home Programme
 May 14, 2023 Chawhma - Mualkawi Kohhran
 Chawhnu - Mualveng Kohhran
 Zan - Champhai Kahrawt Kohhran
 May 16, 2023 Pay commission, Education BEC leh MPF Executive Committee
 May 17&18, 2023 Synod Finance Committee
 May 18, 2023 Missionary Retreat
 May 19, 2023 Kohhran Inpumkhatna Joint Committee
- Rev. C. Zorammawia : Senior Executive Secretary**
 May 16, 2023 Pay Commission
 May 17&18, 2023 Synod Finance Committee
 May 19, 2023 Bial Treasurer Training & Missionary Retreat
 May 21, 2023 Pastor Induction, Bukpui Bial
- Rev. V.L. Luaia Hranleh : Executive Secretary**
 May 15, 2023 MSSU Examination Cell leh FG&CC Programme
 May 17&18, 2023 Synod Finance Committee
 May 19, 2023 Kohhran Inpumkhatna Joint Committee
 May 20&21, 2023 Pastor Induction, West Phaileng Dinthar
- Rev. Dr. K. Lallawmzuala : Executive Secretary**
 May 16, 2023 Education BEC
 May 17&18, 2023 Synod Finance Committee
 May 19, 2023 Kohhran Inpumkhatna Joint Committee
 May 20, 2023 Missionary Retreat
 May 21, 2023 Prison Ministry Campaign, Bungkawn Kohhran

HMEICHHE HOSTEL HRIATTIRNA

Presbyterian Hmeichhe Hostel, Kulikawn-ah CI XI & XII zirlai seat tlem a la awm a. Dil theih hun hi May 19, 2023 thleng a pawhsei a ni e.

Interview hun pawh ni May 22, Thawhtanni dar 11:00-ah sawn a ni bawk.

Dilna form hi Co-ordinator, Kohhran Hmeichhia, Synod Office leh Hostel Warden hnenah a lak theih e. Hrechiang duh tan Contact: 9436198411, 8837303332, 8259933613

DAWR RUAK LUAH THEIH CHUNGCHANG

Synod Compound, Mission Veng-ah Dawr MS-II C/11 leh C/29 a ruak a, luah duh chuan May 15-30, 2023 Synod Office hun chungin thil zawrh tur ziak telin mahni Address leh Phone no. nen dil theih a ni a. He mi hun chhunga dil lo chu pawm a ni lo vang. Dilnaah Kohhran lehkha thil tel tur a ni e.

Sd/- Rev. C. Zorammawia
 Senior Executive Secretary
 i/c Synod Trust